

A CASA DI ROCCAPINA

Mostra-spettaculu è chjassi di scuperta



Trà mare è monti, un lionu di petra stranu cura à ROCCAPINA

Prima, ci hè issu lionu,
immensu è arcanu.

A legenda ci parla d'un putente
signore persi d'amore chì a so bella
u ricusò.

« Di petra hè u to core, lionu di petra
sarè ! ». Hè tuttu altru u discursu di
a scena è ci parla di tafoni, di petre
scavate da l'elementi, po assistate da
l'omu chì vinse à piattà ci si, à campà
ci, à more ci.

À dui passi da à u lionu ci hè una
strada, una bocca, ghjente è vite chì
passanu ; ci hè u mare anch'ellu, à le
volte gattivu, trascinendu e so storie
di battelli arinati è di tisoru piattati.

Inde l'anziana casa cantunera di
Roccapina, vinite à sente à Jane,
« figliola di u lionu »,
cuntà vi tuttu quessa. Quì, u
banditu infatta l'omu preistoricu, u
carbunaru incontra i Barbareschi,
da a petra sorge l'orsu...



Sò a figliola di u lionu
D'ellu,
cunnoscu tutti i sicreti,
sò tutti i misteri.
I vi palisaraghju ?
Da sapè la,
truvemu ci à...
A CASA DI ROCCAPINA

L'anziana casa cantunera, rinuvata
da u Cunsirvatoriu di u liturale,
presenta una mostra-spettaculu

Un situ di u Cunsirvatoriu di u liturale gistitu
da u Consigliu Generale di a Corsica Suttana



CORSE DU SUD
Le Département



Conservatoire
du littoral



UNIONE EUROPEA
Issu stobulimentu hè statu cofinanzatu
da l'Unione europea.
L'Europa s'impegna in Corsica cù u Fondu europeu
di sviluppu rigjunale.

A CASA DI ROCCAPINA



À l'intrata, pigliate vi una audioguida : « Roccapina, tanti anni senza vede ti... ». Una voce, quella di Jane... è Roccapina si racconta : in giru à una riprisentazione maiò di u situ, i ritratti è l'ogetti ramentanu quelli chì camponu quì, in la casa, quelli chì ci passavanu è ci passanu sempre, pastori, duganeri, turisti...

Po hè un saltu fantasticu in lu bughjone, è ne affaccanu un lionu, un elefante, un orsu è altre criature, chì, in lu timpurale, si discetanu da u so sonnu di petra... È torna rughja u lionu !


À u pianu supranu, d'altre riprisentazione danu chjave par capisce : cumu ella hà pussutu inghjinnà a natura issi tafoni strasurdinarii chì fecenu u lionu o l'elefante di Roccapina ? Cumu elli si sò ghjuvati l'omi di issi tafoni da tempi è tempi ?

Da l'agrandu preistoricu à u ricovaru di u girandulone, u tafonu assistatu, l'oriu, si hè fattu casa par accoglie l'omu è a so famiglia, sepultura par prutegge lu dopu mortu, furtezza in li tempi di cumbugli, piazzelle ch'ellu pudessi stà à vicinu à a so banda. Di punta à e riprisentazione, quattu purtelli s'aprenu nantu à u paisaghju è dicenu e legende di Roccapina, i so cursari, i so navifraghj... Hè un mondu stranu è stupendu ch'ella ci palesa Jane u tempu ch'è no femu a visita. Mà à puntu, Jane, quale hè ? « Sò a figliola di u lionu »... A fine di a visita palisarà u so scretu.

Dui chjassi parmettenu di pruseque a visita à l'infora :

U caminu di l'oriu hè una parte di u parcorsu di visita di a casa cantunera. Una spassighjatella di 20 mn, audioguidata, da entre propiu in lu mondu stupendu di i tafoni, in sinu à l'oriu ricostituutu di Roccapina.

U chjassu di u Belvedere, u caminu di a punta, libaru d'accessu, hè un ciottu in a machja di 45 mn : Ci si scoprenu une poche di maraviglie ch'ella si avia manghjatu a machja, chjostri scurdati, orii tralasciati ; ma ancu una sapara da sottu à l'elefante è in più bella un belvedere chì lascia a vista supranà l'orizzonte.



A casa di Roccapina si trova à nantu à a RN 196, trà Sartène e Bonifaziu (Corsica Suttana)

Intrata : Tariffa piena 2 € / Tariffa ridutta 1 €

Rinsignamenti : 04 95 71 56 30

Musée départemental de Préhistoire corse et d'Archéologie de Sartène
Rue Jacques Nicolai – 20100 SARTENE
Tél : 04 95 77 01 09

www.cg-corsedusud.fr

